



КОМСОМОЛОНЬ ВАЙГЯЛЬ

МАЙТЬ

29-це шистонза

1941 кизоня

60(1856)

Питнец 10 тр.

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ЛАДЯМС КОНТРОЛЬ СТАРШАЙ ПИОНЕРВОЖАТАЙХНЕНЬ ТОНАФНЕМАСНОН ЛАНГСА

ВЛКСМ-нь ЦК-сь тя кизонь март ковть 20-це шинц эзда эсь постановлениясонза ладязе, што старшай пионервожатыйн анокламань основной формаке должен улемс самостоятельной тонафнемась.

Старшай пионервожатыйн тонафнемась—тя пняк оцю и важнай тев. Вожатайть организаторский способностенц и содамашинц эзда зависит пионерский организационный работац каскыс поколениять коммунистический духа воспитания. Сонь лангосонза путф задачась—воспитандамь шабать эса культурность, смелость, выносливость, максоме трудовой навык, штоба сон улець социалистический общественный достойный строителькс.

Пняк оцю лезкс пионерорганизационный должетт максемс школаса учительти сознательный дисциплинировать и успеваемость кеподемаса, общественно-полезной работать ладямаса, военно-физкультурный, краеведческий и велень хозяйственный работаса, самостоятельности организовандамаса. Кда старшай пионервожатый аф кармай мобилизовандакшнемас юнай пионерхненя ня кизефксеня перьф, то пионерский организационный путф задачатненя аф пашкодсьне. Улемс юнай пионерхненди вожатайкс—тя пняк почетнай, но сяка видева пняк стака тев. Штоба улемс Ленинонь и Сталинонь идеясон эряфс этафтомаса воспитателькс—эряви совершенстваса содамс пионерский эряфть, ушedomок оцють эзда ёмлати моме.

Кой-кона ВЛКСМ-нь райкомтне, шархкодемк ВЛКСМ-нь ЦК-ть и ВЛКСМ-нь Мордовский обкомт постановленияснон старшай пионервожатыйхненя самостоятельна тонафнемаснон колга, кярьмодсть аф калдыаства тя тевти. Лац ладяф тя тевть коряс работас Чамзинский района (ВЛКСМ-нь РК-ть секретарец Пурцакин ялгась). Тоса «ВКП(б)» вь историй

ять «Краткий курсонц» колга этафневихть консультацийт. Оцю лезкс максихть тонафнихненди пионерский организационный практический работать колга ВЛКСМ-нь РК-ть видеса школьный комиссиян председателсь Дорощева ялгась и комиссиян членц Сабурмакасский аф полный средний школань учительница—старшай пионервожатый Першутова ялгась. Аф калдыаства работай Киржемань школань старшай пионервожатый К. Родинась. Сембе воспитательный работац сон содондсь эсь лангосонза тонафнемать мархта.

Аш кода аф азомс Ковылкинский железнодорожный школань старшай пионервожатый Ивлиевый и Ширингушский райононь Ачадова велень школань пионервожатый Данакинть работаснон колга. Ня ялгатне лувондохть пебярь организаторкс, ладязь школаса лац воспитательный работать, тонафнихть эсь лангос, аф ваномок сянь лангс, што ня райононь ВЛКСМ-нь райкомтненя руководителсна тя тевса аф максихть тейст кодамовок лезкс.

Школатненя эса тияи молихть испытаниеня, этапнинге недья-кафта и испытаниеня аделахихть сембе классеня эзга, школьникне туйхть каникулс. Старшай пионервожатый, содондомк самостоятельной тонафнеманц практический работац мархта, должен кизонь пингть эзда пебярьста организовандам юнай пионерхненя упорнай тонафнемада меле ваймамаснон.

Штоба успешнайста этафтомс тя важнай мероприятей и сатомс сянь, штоба самостоятельна эрь тонафнис сатоль юнай пионеронь старшай вожатай звания ВЛКСМ-нь райкомтненди, а васендакиге, школьный комиссиятненди поделовому кярьмомем тьяникиге тя тевти, навестать нолдаф пингть и самс проверкатненди педа-пес аноклафста.

Займатненя эзда дохоттне—местный бюджеттненди

Кода содаф, государственная займатненя эзда кокаф средстватненя ламосна максевихть местный бюджеттненди ошева и велева хозяйственной и культурной строительстванди. 1941 кизоня республиканский и местный бюджеттненди максф 5 миллиарт 290 мил-

лион цалковай отчисления.

Тя кизоть васень колма ковонзон пингста, СССР-нь Наркомфинть даннайзон коряс, местный бюджеттненди полуцаф 530 миллионда лама цалковай.


(ТАСС).

КОМСОМОЛКАТНЕ ШЕФТ

Мокшеня Пашадонь средний школань ламоц ученипатне-комсомолкатне сявсть шефства «Валда ян» колхозть вазнянзон лангса. 9-ле классонь ученицась А. Цибызовась кемокстаф вазнятненя мельгекый цебарьста, чистендакшесыне, клеткаснон урядакшесыне.

Мекольденя пингть Цибызова ялгать мельге кемокстаф вазнятненя упитанностьсна сяда пебярьгодсь, сinya сталмосна кармась касома.

И. Миронов,
Г. Дворецкий.
Пурдошанский район.



25-це майста панжевсь 1941 кизонь Всесоюзная сельскохозяйственная выставка.

СНИМКАСА: Колхозонь Площадь.

Фотось А. Межуевъ [ТАСС].

РЕСПУБЛИКАТЬ ЭЗГА

Ударнайста молихть работатне Каньгуж велень колхозса. Трудонь оцю производительность няфнихть комсомолецне. Черепкин комсомолец сокамста норманц пашкоткшнесы 120—130 процентс. Замечательный результат няфнихть трактористне. Шумкин тракторист норманц пашкоткшнесы 150 процентс. Сокай пебярь качества мархта.

Сонц комсомольский организационный секретарец Черепкин ялгась сокамста норманц пашкоткшнесы 125—135 процентс эрь шива. Тяфтама показателхть няфни Муштаев комсомолец.

И. Кирдяев,
Е. Кирдякин.
Ельниковский район.

Активный участия примихть паксая работатненя эса Од Потьма велень комсомолецне. Сinya няфнихть пример сембе колхознай од ломаттненди. Комсомолецне Паштав Петр, Велин Илья и лиятне, работамок сокайкс, эрь шива нормаснон пашкоткшнесаз ламода вельф. Ваномок сinya лангосот, колхознай од ломаттне кармасть работама стахановецкс.

И. Дорожкин.
Рыбинский район.

«Активист» колхозса пебярьста ладяф трудовой дисциплинась. Тянь вельде сон нюрхкяня пингста и пебярь качества мархта аделазень видеамзон.

Тяда башка, тяс аф калдыаства ладяф массово-разъяснительный работаске. Сидеста этафневихть колхозникненя ётка беседат, тиендевихть различный темас коре докладт, эрьсихть газетань лувондомат. Тя тевса активный участия примоси комсомольский организационный

Колхозсь эрь кизоня хозяйственный работатненя успешнайста пашкодемасот лисенди васенце васттненди районца. Тянди залогокс ащи ся, што колхозсь образцовайста аноклафста васфтезе тундань видеать, а тьяненя пингть пебярьста ладяф социалистический соревнованиясь.

Кудашкин.
Краснослободский район.

Оцю лезкс максихть Од Выселка велень Калининть лемса колхозонь комсомолецне эсь колхозсонды хозяйственной кампаниятненя успешнайста этафтомасот. Комсомолецне ашихть ударниконь ряттненя эса. Комсомолецне Коняшкин Максимь, Рогачев Павелсь, Лобурев Гаврилсь, Рыбкин Иванц тундань видеать пингста келептезь колхозникненя ётка агитационный работат: нолнихть регулярнайста стенной газетат, лувондохть колхозникненди газетат, тиендихть беседат. Тяка пингоня сinya няфнихть трудонь производительность касфтомаса замечательный кепоткыет.

И. Келаськин.
З. Полянский район.

Клубть лангс тьяниеня пингть путневихть оцю задачат колхозникненя культурной обслуживанияснон коряс. Но ня задачатненя калдыаства пашкоткшнесыне барашевский клубсь. Тяс клубонь заведующий Васляев ялгась колхозникненя ётка кодамовок работа аф вяти; партиять и правительствать решениясна колхозникненя созания аф пачфневихть. Тя положенинть лангс комсомольский организационный ваны равнодушнайста.

Емельянов.
Атюрьевский район.

АНОКЛАТАМА ТЯНИКИГЕ

Мольсь тядонь ков. Февральста колхозсь ульсь анок сембе ширде тундань видеать. Сембе вельхозинвентарсь петёфоль, сбруйхне аноктольхть. Видьмось сортировандафоль и протравленнайль. Фля валса азоме, хоть ванды листь видема.

Апешек обижа модать-матушкаты. Аньнек наземса тиеме удобрения, сядошка тонна ускоме саразонь помет и кулу. Кузнецов, сельхозвыставкань участниконди кандидатсь, аноклазе сембе вельхозинвентарть сёра урядама кампаниять этафтоманцты. Минь колхозниконьке—ломаттне беспокоивайхть. А сядонга пняк эста, мзярда калдыав погодась, конац шорси работати.

Тундань видеамась—ответственной кампания. Бригадирхне тяди инголе пуромсть собраниясь и кемоктасть флякьян ётка социалистический соревнованиян договорхт тундань видеать нюрхкяня пингста и пебярь качества аделаманц инкса. Омбоце шива омбоце бригадась лиссь работама 1 частста 30 минутаста шобдава. «Аделама сяда рана видеать» валхне ульсь эрь колхозникть мяльса. Виде, тьянь эса ащи пебярь урожайнень получама. Колхозсь тядденя кизоть видесь 48 гектар. Зерновой и ранний культурань видеамась аделаф. Видеать пингста сембонди кепоткысокс ащесть комсомолецне. Сinya ащесть тундань работаса васень васттненя эса, няфнесть трудонь оцю производительность. Фля инь пебярь колхозниконь лувондови Новокрещенов комсомолец. Сон вете гектарть васте витцесь 7,5—8 гектаронь эрь шива.

Балакирев.

Ворошиловть лемса колхозсь
Саранский р-н.

ИСПЫТАНИЯТНЕНЬ МОЛЕМАСНА

МЕКОЛЬДЕНЬ ДИСЦИПЛИНАСЬ

Од Выселка велень средний школань начальнай классенень эса испытаниятне ётафт. Результаттне, конатнень няфтез испытаниятне, корхтайхть сянь колга, што ламоц ученикнень эзда кизоньберьф упорнайста работасть программнай материаль тонафнемань лангса.

Нилеце классонь ученикнень дятфта жа ульсть аноклафт билетт, конатнень эса сёрматф кизефкснень каршес эрявсь максоме ответт. Ушedomок мекольдён дисциплина—географиять коряс испытаниятнень, учительсь Мусей Ефимович, азозе: «Тячи кирьдсасть испытаниятне мекольдён дисциплина коряс. Тядя меле аделасасть нилеце классь и сай кизоть карматада тонафнема ветоце класса».

Билет сявсь Общева Марусясь. Сон цебярьста арьсесь и кармась отвечама. Кизефкснень каршес макссь обстоятельный ответт. Тядя меле сон няфтезе картаса полярнай зонать, острофт и азондозе полярнай зонаса растительнай и животнай мирть. Тянка сон получась отличнай оценка.

Мельганза лиссь отвечама Позднякова Нюрась. Сон тяфта жа цебярьста азондозень учительсь СССР-ть Севернай портонзон, няфтезень картаса.

Отличнай отметкаса максозь географиясь испытаниятнень Романовась, Норватовсь, Жаткинась, Жареновась и лиятне. 25 ученикть эзда кеветнетне няфтсть отличнай содамаши, сисем ученикть получасть цебярь отметкат и кафта ученикть географию максозь посредственной отметкаса.

Вас. Общев.

Зубово-Полянский район.

КАЛЬДЯВ ОТМЕТКАТ АФ УЛИХТЬ

Мокша Ювня велень аф полнай средний школань педагогический коллективсь тонафнема кизоть 4-це четвертьстонза ламода цебярьгофтозе учебно-воспитательнай работать. Тянь вельде успеваемость ламода классь. Кда 3-це четвертьста нилеце класса успеваемость ульсь 87 процент, то тяни пачфтьф 90 процентти. Сембе школава 3-це четвертьста успеваемость ульсь 76 процент, то тяни—80 процент. Кой-кона учителькне, путомок ламавий сянди, штоба сатомс оцю успеваемость, сатсть сянь, што классот фкявок ученикнень аш кальдяв отметкац. Тяниень пингть испытаниятнень эса особенно цебярь показателхть няфнихть 7-це классонь ученикне. Г. Шичкин. Торбеевский район.

КОМСОМОЛЬСКАЯ КЛАССЬ

Минь школасонк тядень тонафнема кизоть переводнай и выпускной испытаниятне ушедеть ламода сяда организованайста ётай кизоть коряс. Испытаниятнень эса комсомолце и пионерхне няфнихть тонафнемати добросовестнай отношения. Вов 10-це «Б» класса ётасть испытаниятне алгебраса. Выпускникне сёрмадсть письменнай работат. Тя класса сембе ученикне комсомолец. Ня работатне пцтай сембе сёрматф отличнайста и цебярьста. 19 ученикнень работанди путф заслуженнай отличнай отметкат, 12 ученик сёрмадозь работасонь цебярьста и сембе класса колма ученикть получасть посредственной оценкат.

Пцтай тяфтама жа показателхть.

Минь школасонк тядень тонафнема кизоть переводнай и выпускной испытаниятне ушедеть ламода сяда организованайста ётай кизоть коряс. Испытаниятнень эса комсомолце и пионерхне няфнихть тонафнемати добросовестнай отношения. Вов 10-це «Б» класса ётасть испытаниятне алгебраса. Выпускникне сёрмадсть письменнай работат. Тя класса сембе ученикне комсомолец. Ня работатне пцтай сембе сёрматф отличнайста и цебярьста. 19 ученикнень работанди путф заслуженнай отличнай отметкат, 12 ученик сёрмадозь работасонь цебярьста и сембе класса колма ученикть получасть посредственной оценкат.

Тя кизонь испытаниятнень эзда цебярьста няеви ся, што учащайхне сяда серьёзнайста анокласть теист. Тя анокламань работась и школаса учебно-воспитательнай работать цебярь состояниак максихть аф кальдяв результатт.

Москвин.

Ичалковский средний школась.

ОТЛИЧНИК

Юра Рыськин—вейхк соце классонь ученик. Кизоньберьф сембе дисциплинатнень коряс тонафнесь анычек отличнайста. Тядя башка, сон лувондови отзывчивай и цебярь ялгаке. Оцю лезкс максессь отстающай ялганзонды, конат мекольдён пингть кармасть тонафнема аф кальдявста. Школаса лувондовсь Юра инь активной общественникце.


Юра эсь лангозонза сявондсь обязательстват—кемокамс сатфкснень тонафнемань тевса и максоме испытаниятнень анычек отличнайста. И кармасть усидчивайста анокламань эсь содамашизон няфтемасонды.

— Алгебрась мезе, а вов литературась,—корхнесь ламокоть сон. Алгебрась сондейнза ащи инь кельговикс дисциплинакс, но тянка стака тонадомс литературась. Штоба получамс и литературасовок отличнай отметка, эряви лама лувомс. И вов сон лувозень программаса азф сембе произведенийтнень. Кельговсь литературась. Колама наслаждения мархта лувозень сон Островскянь драматонзон. Лувонды дополнительной литература, Добролюбовонь критический статьязон.

Пингсь вете частт. Ушесь мани, охота якамс улыява, корхнемс ялганзон мархта. Но лия появась, испытаниятне волновандасть эсонза. Юра афпак лама пингста радость мархта лиссь класста, сон получасть отличнай отметка алгебрать и геометриять коряс. Сави-пак веровдамс, што и литературасовок отметкац ули тяфтама.

И. Николаев.

Саранск, 12-це № школась.



Мельцанский средний школаса испытаниятне.

СНИМКАСА: [жержи ширде види шири] РОНО-нь инспекторсь И. В. Иванов, историянь преподавательсь Г. Ф. Гаврилов и 10-це классонь учениксь В. Додонов кирьди испытаният историяса.

Фотось Веретенниковть.

И. ДЕВИН

АРЬСЕМАТНЕНЬ —ЭРЯФС

(АФ ОЦЮ РАССКАСКЕ)

— Атяцень атяцка, марьган, Гриша, ашезь няенде куд-юрхитонт сёрмас содай ломань, кона коть малость празванилиц таштема маштоль,—корхтась Гришатнень соседсна, савонниксь, Павел Карпыч, кона бта пеняндась эсь приац лангс, мес сон мезевок аф содай сёрмас.—Тяни хоть теинге сяда пара,—тага корхтазевсь атясь,—сёрмания сай шабатнень эзда, няить, теитьнай ранакивок саян... а то, мяляфтса, монь алязе котоска-сисемшка куд вельф ласки сёрмань мархта. Да нинге улихть васькафтьядязь.

Пяк цебярь тячи Гришась мялезонза, но-присонза сякокс шарь: «Максоме мекольдён предметть коряс испытаниятнень и...»

Иотай илять Гриша ашель кудса, а сяс и сонь браткац ранакивок стаясь и кармась Гришась стаясь, дескать мес ламос ашелеть, да аф тушендоть ли учителькне лия велес.

Гришась яфодезе кяденц и кода-бди токавсь сонь браткац

кона курукста валгсь вастть лавгста и кармась арьсеме: «Сон, наверна, лия велес туй...»

Браткац ушедсь кати-месть мотердема и анычек Гришась марязень сонь кафтошка валонзон, дескать ладна.

— Значит тонь аш мялье, штоба мон тонь тонафлетихтень?—пеедзевь марьгсь браткац Гришась.

— Ну да, а мес мле панят эсон,—кяждонза отвечаьс браткац.

— Ладна, тят шумна... Вов сейчас стаян и корхтатама,—тага марьгсь Гришась.

— Ну, ладна, удок,—и браткац соньке мадсь аф ламос ваймама.

— Да,—эсь пачканза арьси Гришась,—курок кда улян учитель... вов кода мон тиелень. Сявонень тетрадензон, ванондсь аф ламос и стаясь.

— Шумбратада, иднят,—пшкядсь сон аф пяк кайги вайгяльса, и бта марьясь тянь каршес ответ.

— Ну, ладна, шабанят, озседа-озседа... исяк минь коза лоткаме арифметикаса?

— Эй, тонь, акша паварстось, кода фамилиянь?

Гришась браткац тянь лангс анычек тага пеедзевсь и нинге сяда пяк кяшсь.

Фкя шиня, мзярда пизесь аф пяк вишке пиземня, Гришась браткац мархта тусть синцень перезост. Луганять лавга нинге начка, а сяс и синь озасть марлють эзда саженьшка ащи бокса скомнать лангс, и Гришась браткац апак учент макссь кизефкс: «Мес сембе растительнай мирсь аф павжи сразу?»

Гришась вань аф ламос браткац лангс и ушедсь азондома, кода ащи сембоса тевсь.

— Мон арьсян тяфта,—кда кивок теить вов марьги лоткаме тейяттнеди, тон не должен кизефтемс сонь фамилиянь, а видеста саян марьгомс, монь койсон—да.

— Тя вов виде, а тон, улема, мяляфтсак, няить, ся шить, мзярда мон кизефине фамилиянь?

— Ну, да. Вов арьсек минь ётай кизоть тонафнемазь омбоне класса Иван Иванович, ву сон видеста корхталъ: азка, Дементьева, коза минь лоткаме?—тя вдь виде?

— Конешна, виде,—отвечась

Гриша.

— Ну ащек тон, а мон молян переть тона бокс,—корхтай Гришась,—саян тонь ширезт и ванпак, кода мон марьган учениквенди? И Гришась тусть, коза марьгондсь. Вов сон сай. Кядьсонза байдековня, указка васте, а картузон книга васте.

— Шумбратада, иднят!

— Шумбрат, Григорий Васильевич,—ствечась Гришась браткац и кафцьке рахазевсь.

— А мес марлюфне аф шумбракстыхть?—марьгсь браткац.

— Кода мле, няить вельсихть каршезон. Синь тага рахазевсь, и аф ламос ашезь тусть куд шири.

Садовниксь Павел Карпыч озада ашесь вальма ала. Мациень сялдакс мянтьф байдекоц ашесь кядь песонза и сире суронзон мархта варчсесь марлю таратка, кона мес-бди коськсь и аф кунара сонь керозе.

— Да, нинге мяляфтса, кода ты садняв ты тараткаць азорон озафтф,—корхтась саване эстейнза.

— Курук од сад ты садняцень эзда лиси,—сязезе корхтамань Гришась, кона браткац мархта шаштсь сонь малазонза.

— А кода мле, найсак ни анисофкать... Сон лия иднят ни наводясь,—отвечась Павел Карпыч.—Ну, кода, Гриша, тячи якать штоли испытаниянь максоме?

— На отлична!

— Эге, молодец. Ну кода, стаки учителькне арьсекшинь?... Эсь велезонк?...

— Конешна, да эряви подтануться, а то монь браткац тячи зашил, кода корхнихть, аф тов аф сей.

— Кали, да сон никак омбоне группаса тонафни?

— Тонафнемс тонафни, да содасы кода ученикнень мархта обрабатень, фамилият эря тят кизефне,—аш мезенди, дескать...

Павел Карпыч васенда ашесь спокойна, а тоса шаркетсь Гришась браткац ширес и пеедзевсь.

— Ну, да, а кода вов тинь, на самом деле, карматада тонафнема итнень? Примером, фкясь шарьхкодезе, а омбонети стака шарьхкодемс,—тяса, улема, мезень-мезень история лисенди?

— А мезень история, ашезе шарьхкоде, например учениксь азондома тага весть, тага азонть, лиякс марьгомс, сярксть азондома, мзярда мянь

У ЛЯН ВОИН

Аделахневихть средний школас тонафнемань кропотливый кизотне. Аделавсь акустикань, динамикань, электричествань закоттнень, Пушкинонь, Лермонтовонь, Толстойнь, советский писательхнень — Горькийнь, Маяковскийнь, Шолоховть творчестваснон тонафнемасна.

Учашайхне ашихть кели ки лангса. Аделахневи юностсь, а сонь мархтонза машфневихть талостне. Сась пингсь, мзярда эрви арсьемс оцю, полезный работать колга. Нинге школас мон плк кельголине художественной литературань лувондомать. Монь кельговикс литературный героине Спартаксь, итальянский революционерсь — Оводсь, гражданский войнань героись — Чапаевсь. Тейне нянь кельговикс ашихть Ленинонь и Сталинонь гениальной трудсна. Ленин и Сталин фалу макселезь сембе эсь виийснон человечествовать павазонн инкса.

И сяс мон, кода выпускникань средний школаста, арсьекшнян сян колга, кода сяда лама максомс пользада родинати.

Тейне мяляфтови великий русский гуманист, пролетарский писатель А. М. Горькийнь фкя балладанц пец:

«А вы на земле проживете,
Как черви слепые живут:

Ни сказок про вас не
расскажут,

Ни песен про вас не споют!»
Сяс и сембе содамашиньке, сембе эсь способностеньке эрвиныхть максеме народть тевонн инкса. Ведь народсь воспитал минь. 1938-це кизоня сувань Ленинско-Сталинский комсомольт рядонзонды. Тя пингста сявомок ашан колхозсонк агитаторкс, а 1941 к. — работан ответредакторкс колхозной стенгазетаса. Сембось тя максессь навькт сяда тов самостоятельна киге молемати.

Эрви азомс, што ламоц десятиклассникнень эзда аф арсьихть эсь сядатоволдоць эрфснон колга. Минь эздонк ломаттне пелихть черновой работать эзда. Аф лездыхть кудса тядясонды. Тянь сюнеда ламотненьди ули стака Якстерь Армиянь суровой эрфса. Курок прощан школазень мархта, а тоса шумбракстан Якстерь Армиянь эрфть мархта, карман пшкотькшнемс родинать инголе эсь священной долгозень. Мон допризывникан, шачень 1922-це кизоня. Зачисли служба артиллерия. И мялезе улемс сембе эрфозень пингста социализмань странань воинкс.

Ив. Матвеев.

Рыбинский район.
С. Рябка веле.

ИСТОРИЯС ИСПЫТАНИЯТНЕ

Ученикне ашихть озсефта эсь вастоваст. Сувань историйань преподавательсь Сургаев ялгасть. Ученикне аф пелихть, но вельовандайхть. Кажнайсь сий эздост арсьи, «а кодама отметка получан, кода ответчан учительт кизефксонзонды?»

Ушедсть испытаниятне. Васьенекснень тертьфтельхть Черепкин и Шумкин ученикне. Спокойна таргасть и шарьхкоде-

ви, грамотнай, кяльса максессть обстоятельной ответ билета сёрматф кизефксонди. Ассистенть дополнительный кизефксонзонды отвечать тифта жа полнайста и чебарьста. Ня кафта ученикне заслуженнайста получасть отличнай отметкат. Тяфтама ученикта Каньгуж велень средний школас аф фкя.

Кудашкин.

Ельниковский район.

шарьхкодсь, а тоса сяда тов тук, — отвечась Гриша.

— Ну тини вов мезе, учсак сентябрьт, ну аф сентябрьт, а ся шить, мзярда ушедыхть тонафнема, стой да аф сайхть ученикне тонафнема, мезе тият?

— Тиемс мезе, азондсак кажнай ученикти, — што эрви тонафнема, тонафнема и тонафнема, сон, конешна, сонень мзярги, што эрви тонафнема, и вот...

Синь корхнемасна молесть тик ламос, кда ба Гришань афолезе терде тяди, кона ашесь орта лангса и учсесь ни стадасть. Атясь кармасть варчсема кода тоса ашихть марлюфне, аф тирай ли кельме или лия мезевек. Садовниксь инголькивок содасы семботь — кодама ули сай весь!

Гришань кудсост учсезе сонь ялгац Петя, кона кандсь РОНО-ста сёрмания, коса сёрматфоль, што Гришанди эрви молема ванды РОНО-в кармайхть сонь назначать учителькс эсь желаниянц коряс кодама-кодама велес.

— Кода тон, Петя, арсьят, — корхтай Гришась, — эсь велезонк учителькс араме или лия велес тумс?

— Эсь велезонк, конешна, —

отвечась тонал.

Велеть эса крвьясность толнят, конат няевсть ёфси самоварт ала вардьятнень эса крфай толиятне.

Петясь тусь куду, а Гришась кармасть книганзон и тетрадензон ванондома.

— Ну, кода, Дементьев Гриша, коза мялье учителькс? — кизефнесазь РОНО-са шрать ваксса ашихне.

Гришась бта васенда арсьесь, а тоса кайги вайгяльса мзяргсь:

— Эсь велезонк — Трофимовка вели.

— Стане и улеза, — мзяргсь шутендазь РОНО-нь заведующайсь, — арсьетяма од учительти, ялгац, од сатфкт, — мзяргсь тага заведующайсь и люпштазе Гришань кядени.

Гришась лиссь тоста и кармась нарнемонза ковиан, кона ливоськоткшнесь радость и павазть эзда.

— И ульхтяма настоящей учителькс, — корхтась эсь пачканза Гришась.

Кудса Павел Карпыч садовниксь Гришати мзяргсь.

— Вов тейть и учитель! Эсь веленне!.

1941 к.

ОД ЛОМАТТНЕНЬ РАБОТАСНА

Инсарский пенькозаводсь, пшкотькшнемок XVIII-це Всесоюзной партийной конференциять решениянзон, эсь работасонза сатсь лама од сатфкт. Заводть работац ниле ковста молись тяфтане: натураса планць пшкотьф 104 проценте, а неизменной питнеса валовой продукциять нолдамац пшкотьф 109,7 проценте.

Май ковть васенце полови-настонза сдельщикне выработкань нормаснон пшкотькшнесь и вельф пшкотькшнесь. Троицева ялгать сменац средняяста планонц пшкотедез 109 проценте. Мухонь пуводомаса бригадась пачфнезе норманц пшкотедеманц 158—167 проценте.

Тя бригада работань замечательнай образец нафни стахановкась М. Я. Иконникова ялгасть. Чебарьста передаются тя бригада стахановский работань метоттне.

Чебарь показательхть няфнихть од ломаттне. Сортировщикпате Левинась и Баткинась эрь ковня ламода вельф пшкотькшнесазь нормаснон, касфнесазь волокоть номерно-

стенц. Тянка синь получахшихть премиат.

Механический цехсь, конань эзда зависит заводть сембе работац, мекольдены пингть ламода чебарьгофтозе эсь работанц. Аф калдывста работайхть Недопекин и Вразнов машинистнень сменасна. Синь дежурстваснон пингста аф эрйхть простойхть, оборудованьясь нормальной.

Тиф порядок и элементарнай культура рабочей васттненьди, оборудованьясь ванфтови чебарьста.

Работаса тяфтама сатфксне сатневихть социалистический соревнованиять вишкотеманц и стахановский движениать келептеманц вельде. Рабочайхнень сопоызательствасна аккуратнайста проверякшневихть.

Рячок тянь мархта касонды рабочайхнень культурнай уровенйна. Ламотне синь эздост тонафнихть ликбезса, примосихть участия стенной газетать работаса.

З. Булочникова.

Заводонь плановиксь.

Мес калдывста ладяф работась?

Велеса кафта первичнай комсомольский организацият: школьной и колхозной.

Школьной комсомольский организациясь, коса секретарькс аци Еремкин, кунара ви аф вяти кодамовок воспитательнай работа комсомолечнень ёткса. Комсомолечненьди аф максевихть кодамовок порученият, ламоц сий эздост анчек зепост каннихть билетт, терса од ломаттненьди аф няфнихть кодамовок пример. Улихть стама комсомолечт, конатнень тичиме аш комсомольский билетса; ламосна сий эздост аф эсь пингтост паннесазь членский взноснон.

Тянди причинакс аци ся, што Еремкинсь комсомолечнень мархта ашезь ётафта фкявок собрания, ВЛКСМ-нь райкомть директиванза аф пшкотькшневихть.

Тяфтама состоянияс аци колхозной комсомольский организацияське, коса тичиме анчек протоколхнень эса лувондови секретарькс Ф. П. Кудашкинсь.

Тяса комсомолечне нльне аф содасазь мезеньгса ашихть Ленинско-Сталинский комсо-

мольт почетнай рядонзон эса. Синь аф союзнай од ломаттнень ёткса аф вятихть кодамовок агитмассовой работа; паксянь работатнень эса аф заннихть авангарднай роль. А сонць, комсомольский организациять секретарец, нльне паксявонга аф якай. Тяни, мзярда паксяса молихть вишке работатне, оцю ролец агитмассовой работат — газетатнень эзда передовой колхознень опытнон колга лувондомась, XVIII Всесоюзной партконференциять материалонзон азондомасна и колхозникнень трудснон инкса дополнительнай пандомать колга ВКП(б)-нь ЦК-ть и СССР-нь Совнаркомть мартть 13-це шини эзда постановленияснон проработандамац.

Ня кафцьке организациятнень руководителснон кошардомс, штоба сий работальхть честнайста и добросовестнайста.

Миряшкин.

С. Сивдровский район,

Мокшень Мазканя.

Аф нолдамс йотай кизонь эльбятькснень

Йотай кизоня Молотовть лемса колхозсь планц коре витцесь 172 гектар сура. Тя планць пшкотедемс колхозть ульсь сембе условиянза, но трудовой дисциплинаць калдывста ладямац сюнеда сон педа-пес ашезь пшкотедемс.

Трудовой дисциплинаць калдывста ладямац азондови сян мархта, што колхозть руководителенза тя кизефкети шарфнесть кржа мяльда. Лама колхозница и колхозник, а сембода пняк сивнень колхознай руководителхнень, трактористнень, кооператорхнень авасна сембода пняк нарушандашнень трудовой дисциплинаць.

Нльне мушендовсть стама колхозвицат, и сембода пняк

колхознай руководителхнень аваснон эзда, конат визьксфтома корхнесть: «Молян работама, минь алянке работай, трысамазь. Ся, кинди аф трыи семьян, катк рывац работай».

Колхознай правлениясь тифтама нарушителхнень карпес ёфси ашезь тюре, тянка лядсь паксяв апац урядак 17 гектар сура. И тяденьгс ётай кизонь эльбятькснень сон ашезень лува. Тяниенгс вьендеви аф шуроста стама явления, што лама колхозник работамалисенди недаяляти весть, а кой-конат пняк поздна.

С. Кечин.

Рыбинский район.



Всесоюзной сельскохозяйственной выставксь.

СНИМКАСА: Прибалтикаць павильонца Латвийский ССР-ть стендонц ваксса.

Фотось Н. Алексеевть.

РАБОТАСЬ ОТКСТОМСЬ

Колма кова лама ётасть ни XVIII-це партийнай конференцияда меле. Ширингушский суконнай фабрикань комсомолечне, руководствандамок ня исторический решениятнень мархта, ёфси откстоптозь эсь работаснон.

Комсомольский организациясонк лувондови 46 комсомолеч. 1940 кизонь 4-це кварталста станок ваксса работнесь 19 комсомолеч, конатнень эзда ульсь анчек ниле стахановецт и кафта ударникт. А 1941 кизоть васень кварталстонза лувондовихть 10 стахановецт и кота ударникт. Комсомолкась-стахановкась Чуркинась, работамок колматкацкай станокса, кварталнай выработканц пшкотедез 103,3 процентс. Стахановкась М. Заплетина работай присучалкакс. Сон кварталнай выработканц пшкотедез 105,3 процентс.

Чебарьста работай отделочнай цехонь подмастерь-стахановецсь И. Ф. Кобляков. XVIII-це партийнай конференцияда инголе готовай товарть сортносте кирендсь рдзыакшнемать сюнеда, то тини тя аф сатыкссь машфт.

Разнай специальностьс тонафнихть 27 комсомолеч. Ламоц сий эздост чебарьста тонаткшнесазь эсь тевснон. Чебарьста тонаткшнесь эсь тевонк самосновкаса работам аф комсомолкась А. Коблова, электрикок Н. Л. Поляков.

XVIII-це партийнай конференцияда инголе цеху суванста повондсть сельминголет одежатне, конат повфнефтольхть стенатненьди, вальмятненьди. Станокнень ваксса валяндасть разнай ляткст, мусор и ст. тов. Тини одежанди тифт шкафт, станокнень ваксса улихть каскавнят, коза кайсеви сембе мусорсь, лятксне.

Но улихть нинге и лама аф сатыкстка. Комсомолкась Басомыкинась максозень эсь станокзон апац урядак, рдзуста. Сонь аф комсомольский поступканц комсомолечне обсудили эсь собраниясост. Тини тяфтама случайхть аф улендихть. Бандышев В. комсомолечсь паньф комсомолста СССР-нь Верховнай Советть Президиумонц 26-июньта 1940 кизоня Указонц нарушандаманц инкса.

З. ПОДГОРЕЛКИН.

Ширингушский суконнай фабрикань ВЛКСМ-нь комитетонц секретарец.

ПРИЗЫВТИ АНОКЛАМАСЬ

Минь странань эрь од ломань оцю мялса учи Якстерь Армиять рядонзонды призывонь шить эса. Улемс социализмань странань воинкс—тя почетнай тев.

Тяниень пингть комсомольский организациятнень инголе аци ответственной задача—максоме Якстерь Армиять политически и физически аноклаф пополнения. Шарьхкодемоянь, Атюрьевский районца лама первичнай комсомольский организация кармасть вишконема допризывникнень ётка оборонно физкультурнай воспитаниянь коряс работать.

Базарно-Дубровский первичнай комсомольский организация ётафни оцю работа сян инкса, штоба максоме Якстерь Армиять цебарь пополнения. Таса сембоц допризывника 12 ломань. Сян эдсг кафксотнень улихть Ворошиловский стрелоконь значоксна. Сембе допризывникне максоме ПВХО-нь значокс норматнень. Таса и од ломатневок тонафнихть военной тевть эса. 20 од ломань аноклаф ГСО-нь значокс. Нятенень ётка лама допризывника.

Тя организациянь комсомольце няфинхть пример сембе аф союзнай од ломатненди военной тевть тонафнемаса. Комсомольцнень вийсост тиф спортивной площадка. Комсомольский организациять секре-

тарец Мамонов ялгась тя тевти таргазень и аф союзнай од ломатнень.

Орешкин и Каликин комсомольце гимнастический соревнованияда меле занимадондакшихть зарядкаса.

Районца тяфтама комсомольский организацияда аф фкя. Кишалы велень колхознай комсомольский организациясь (секретарь Ивашкин ялгась) цебарьста ладязе оборонно-физкультурнай работат. Комсомольцнень ламоснон улихть обороннай значоксна.

Мекольдён пингть оцю мялшарфневи спортивной площадкань строямасть шири. Тяфта, Дм. Усадса комсомольце марса колхознай од ломатнень мархта тисть спортивной площадка, аф калдявста оборудовали сонь. Таса ули спортивный инвентарь.

Райцентрань комсомольце тяфтама тисть спортивная площадка. Сонь эсонза ули физкультурнай городок, волейбольнай площадка, ласкоманди кинят.

Но аш кода лотксеме тянланге. Эряви вишконтеме тя работат и сембодонга пик шарфтомс мялш допризывникнень физический анокламаснон шири. Сатомс сян, штоба эрь допризывникть призывонь шить самс улель обороннай значокс.

Лапшин.

650 ГРАММА ПРИВЕС ЭРЬ КОВНЯ

1936 кизоста сямомок Петр Андреевич Ивенин ялгась работай ОТФ-нь заводушайкс. Тя пингста сон цебарьста ладязе жувататнень мельге якамать. Жувататнеди максесволь цебарь, чистай, а тялонда ламбе помещениат. Тянь сюнеда ламода кирдь жуванань падежсь. Тянь колга цебарьста корхтайхть сят фактне, што тя пингста жуванань лувкссь 400-ста сямомок кассь 1.500 пряс.

Цебарьста ладиф фермаса порядокс: строяфт башка клеткат и станокт. 1941-це кизонь 215 маткат эзда получаф

приплод 304 вероське, конат сембе жифт.

МТФ са работай телятникс велень советонь депутатсь Никулина Анна Васильевнась, кона эсь работасонза няфни оцю сатфкет. Сонь мелганза кемокстаф вазнятне ашихть цебарь упитанностьса. Максикхть эрь ковня 650 грамма привес. Тя кизоня сон получаф приплотта—30 вазня, конатне тяниень пингть шумбрат и ашихть цебарь упитанностьса.

Матренов.

Ворошиловть лемса колхозсь, Саранский р-н.

Кельксаськ педагогикать

Дисциплинась минь, Инсарский педучилищасонк, педагогика урокнень эса кеме. Учащайхне цебарьста шарьхкоткшнесазь сян, што тейст, будущай педагогкненьди тя научать апак содак аш кода ули работамс цебарьста. Вдь сон (педагогикась) няфнесы школаса сембе учебно-воспитательнай процессть, учительть работанц. Сяс и тя дисциплинаць коряс урокнень сембе ученикне кулхонткшнесазь пик внимательнайста.

Аф кунара преподавательсь Учугадовсь азондоце «Сознательная дисциплина в Советской школе» темать. Материаль шарьхкодевиаста и последовательнайста азондомдонза меле

кизефнезе Пиксаев Антон ученикть, кода шарьхкодезе тя материалть. Пиксаев ялгась макссь преподавательть кизефсонзон каршес аф калдяв ответ. Сон цебарьста шарьхкодезе сян, мезе азондсь преподавательсь. Аф анычек Пиксаевсь тяфта тонафнесы педагогикать, а тяфтама ученикта лама.

Вов Шичкина Антонинась. Сон сембе пингста педагогикать коряс тонафни отличнайста. Тяда башка, сяс мес ученикне пик интересовандайхть воспитаниянь кизефкснень мархта, Учугадов ялгась сидеста тиенди увлекательнай беседа.

Иван Сурдяев.

МОЛИ ТОРФОНЬ ТАРГАМА СЕЗОНЦЬ

Майть 4-це шистонза Александровский торфонь предприятия ушедсь торфонь таргама сезонц. Тя работати сась лама од ломань.

Торфонь таргамать васень шинзон эздакиге лама работай кармасть няфнема трудонь производительность оцю показателхть. Рабочайхне и работницатне эсь ётковаст кемокстаф социалистический соревнованиянь договорхт. Ня договорхне няфтсь цебарь результат: эрь шиня кармасть рабочайхнень выработкасост касома процентне. Тяфта, например, Грошев Иванц и Истребцовсь нормаснон пачфнесазь 144—145 проценте, ли-

якс мярьгомс, 3.330 кирпичь васте таргайхть 4.800 кирпичь. П. К. Кудяевсь и Майоров Иванц нормаснон пачфкоткшнесазь 135 проценте.

Алитнень работаснон эзда ёфси аф лядондхть аватневок. Авань бригадаты эзда Канайкина Евдокиясь, Канайкина Мариясь, Китова Александрась, Чекашкинась и лиятне выработкань нормаснон пачфнесазь 120—135 проценте.

Торфонь таргайхнень ётка моли соцсоревнования сянкса, штоба торфонь таргамать аделама инь нюрхкяня пингста.

Ковылкинский район.

Китов.

Калдявста работайхть аф грамотнайхнень тонафнемаса

Мокшень Пашад велень аф грамотнайхнень и малограмотнайхнень тонафнема улсть кемокстаф культармеецт. Но ня культармеецнень эзда аф сембе тя тевти шарфнесть сатомшка мялш. Улихть стапт, конат тейст кемокстаф аф грамотнайхнень мархта ётафтсь тялоньберф кафта-колма занятият, а М. Ф. Глазуновась ётафтсь анычек фкя занятия.

Улихть культармеецт, конат тя ответственной тевть шарьхкодезь лац—работайхть честнайста. Тяфтамкс лувондови Л. А. Волковась. Сон тонафнесь 14 ломань аф грамотнай и тись полной выпуск.

Миронов.

Дворецкий.

Пурдошанский район.

Европаса, Африкаса и Азияса войнась

(27-це МАЙСТА ВОЕННОЙ ДЕЙСТВИЯТНЕНЬ ДНЕВНИКСНА)

Англо-германский фронтса сембода оцю событиакс улсь Атлантический океанть севернай пильксонза морской сражениясь. «Бисмарк» германский линкорть, конац ваяфтозе «Худ» английский линейнай крейсерть, 27-це майста ваяфтозь английский военно-морской вийхне.

Кода азондсь Рейтер агентствась, тяни содаветь подробностне, конатнень коряс можна шарьхкодемс морской бойть картинац. 22-це майста «Бисмарк» германский линкорсь и «Принц Евгений» германский од крейсерсь лиссь Бергенца (Норвегия). Английский морской министрствась макссь приказ ингольдаме ня корабльхнень. Сян улсть няйф 23-це майста пилать 24-це майста варьхмодемань шовор «Принц Уэльский» английский линкорсь и «Худ» линейнай крейсерсь ушедсь сян

картезост бой. Германский сварядсь повсь «Худ» линейнай крейсерть артиллерийский погребозонза, и сязевсь. «Бисмарксь», пользовадамок аф благоприятнай погодати калдявста няевомать мархта, ворягодевь мелганза панихнень эзда. 26-це майста «Арк ройяль» авианосецт эзда самолетне тага музь сонь, мзярда сон модель ни французский портнень шири. «Арк ройяль» эзда торпедоносецне-бомбардировщикне эстакиге улсть кучфт инголи, и «Бисмарксь» пилевеста улсь эрьхтьф торпедаса и юмафтозе управленияц. Тоза саф английский флотилияс ваяфтозе сонь.

Германский авиациясь, 26-це майста шить 27-це майнь карша веть, бомбардировандазень Англиять юго-восточнай побережьястонза портовой сооружениятнень.


Крит островса стаки молихть пик вишке бойхть. Кода азондсь Рейтер агентствась, 26-це майста илять воздушнай бомбардировкада меле германский частьне тага тусть наступленияс Каниять эзда запад ширеса районть эса. Германский частьтнеди удалась сувамс нинге сяда фталу английский оборонительнай частьтнень расположенияс, конатненьди савсь потамс тыловой позициятненьди. Германский частьтне од подкрепленияц получакишихть авиациять вельде. Морьята десантонь валхтомс немецнень сембе попыткасна исть удада. Островти стаки сашендыхть английский подкрепленияц. Воюущай ширетнень авиациясна активна участвондай бойхнень эса. Английский бомбардировщикне тапазь противникть лама самолетонзон Малемиса аэродромть эзда.

Рейтер агентствать сведени-

янон коряс, Крит островть маласа морской бойхнень эса ваяфтьф 2 английский крейсерхт и 4 эсминецт; аф оцю поврежденияц тифт 2 английский линкоронди, несколько крейсеронди и эсминецонди. Германский командованиять сводкасонза корхтати, што Средиземнай морять восточнай пильксонза германский пикирующай бомбардировщикне атаковдазь английский флотонь крупнай соединениять, коласть авианосец и 2 крейсерхт.

Севернай Африкаса, Соллумть маласа, германский частьне тапазь англичатнень местнай атакасон.

Абиссинияса кой-кона итальянский отрядтне стаки тиендихть сопротивления английской войскатненьди. (ТАСС).



Эстонский ССР-са стариннай памятникне.
СНИМКАСА: Петр 1-ть куд-няц Таллин ошса.
Фотось Д. Черновть [ТАСС].

УЛЯН ФЗО-нь УЧЕНИК

Тяддень кизоть аделаса од Иченьгуж велень аф полной средней школат. Получан содама-шит, конат сатыхть, штоба модемс фабрично-заводской обучениань школав тонафнема. Миле-зе улемс социалистический промышленностьса квалифицированной рабочайкс Мон нинге ётай кизоть ёрань поступиндаме тяфтама школав, но призывса монь ашемазь прима, сяс мес нинге од улень. А тяддень кизоть молян ФЗО-нь школав тонафнема и карман тонафнема анычек отличнайста и цебарьста.

И. Аулаев

Ельниковский район,
Молчановка веле.

УЧТАМА КИНО

Малав велеса 1941-це кизоста сямомок ашель фкявок кино. А велень населениять запросонза кизоста-кизос вишкста касыхть. Кинопредвижкать колга лама корхнест колхозникне эсь собраниясост и энальдсть, штоба путоме тя кизефксть районнай организациятнень инголи. Но тячиень шить самс стаяк кинофильмат аф няфневихть.

П. Сараев.

Рыбкинский район.

Коса занимандам физкультураса?

Од ломатнень физический вийснон кемокстамаса оцю васта занци физкультурас. И минь од ломаненьконь эзда кажнайсь тейнза максси оцю значения. Но од ломатнень физкультураса занимандамаса мялсна аф пашкоткшневихть Порапа велеса. Таса вальне аш физкультурнай площадка и турник.

Аф полной средней школате ваксса ули цебарь луга, коза можналь тиеме площадка, но тя тевть мархта кивок аф занимандай: аф школате администрацияц, аф колхознай руководителхне.

Сергин.

Ответ. редакторсь
И. ЧУДАЙКИН.